



N° 5367  
Reçue le 09.12.2021  
Déclarée recevable  
Président de la Chambre des Députés  
(s.) Fernand Etgen  
Luxembourg, le 09.12.2021

**Här Fernand Etgen**  
**President vun der Chamber**

Lëtzebuerg, den 9. Dezember 2021

Här President,

Esou wéi den Artikel 80 vum Chambersreglement et virgesäit, biede mir lech, dës parlamentaresch Fro un d'Madamm Minister fir Gesondheet, un d'Madamm Minister fir d'Groussregioun an un den Här Minister fir bannenzeg Sécherheet weiderzeleeden.

Eisen Informatiounen no geet d'Zuel vu Rauschgëftkonsumenten aus dem noen Ausland, déi op Lëtzebuerg kommen, an d'Luucht. Si komme virun allem an d'Stad Lëtzebuerg, fir sech do mat Drogen anzedecken an déi och sur Place, virun allem am Zentrum fir Drogenhëllef „Abrigado“, ze consomméieren.

An dësem Kontext wéilte mir folgend Froen un d'Madamm Minister fir Gesondheet, un d'Madamm Minister fir d'Groussregioun an un den Här Minister fir bannenzeg Sécherheet stellen :

- Hunn déi Dammen an Häre Ministere Kenntnis vun deem beschriwwene Problem a wéi positionéiere si sech dozou ?
- Gëtt et konkret Chifferen zu den Drogekonsumenten, déi aus dem noen Ausland reegelméisseg op Lëtzebuerg kommen?
- Besteet en Austausch tëscht de respektive Strukture fir Drogekonsumenten zu Lëtzebuerg an an der Grenzregioun?
- Wa jo, mat wéi enge Strukture fir Drogekonsumenten an der Groussregioun steet Lëtzebuerg a Kontakt?
- A wéi enge Stied oder gréisseren Agglomeratiounen an eisen dräi Nopeschlänner befannen sech déi nächst Drogekonsumraim, déi mam Lëtzebuerger Modell vergläichbar sinn? Wat sinn hir Kapazitéiten a wéi si se equipéiert?
- Wéi gesäit deen Austausch an der Praxis aus a wéi wierkt dee sech op d'Drogesituatioun zu Lëtzebuerg aus?
- A wéi engem Mooss gëtt bei der Drogepräventioun um Niveau vun der Groussregioun zesummegeschafft?

Här President, mir bieden lech, eisen déifste Respekt unzehuelen.

Jean-Paul Schaaf  
Deputéierten

Paul Galles  
Deputéierten